



Na osnovu člana 9. Zakona o kantonalnim ministarstvima i drugim tijelima kantonalne uprave Srednjobosanskog kantona („Službene novine Srednjobosanskog kantona“, broj: 8/03 i 14/03) i Odluke Vlade Srednjobosanskog kantona o usvajanju programa utroška sredstava sa kriterijima raspodjele sredstava sa pozicije “Subvencije privatnim poduzećima i poduzetnicima za potporu skijalištima i razvoju turizma” utvrđen Budžetom Srednjobosanskog kantona za 2022. godinu broj:01-11.7-2922/22 od 14.04.2022.god , Ministarstvo privrede raspisuje

JAVNI POZIV

ZA ODABIR KORISNIKA SREDSTAVA SA POZICIJE “SUBVENCije PRIVATNIM PREDUZEĆIMA I PODUZETNICIMA ZA POTPORU SKIJALIŠTIMA I RAZVOJU TURIZMA“ ZA 2022. GODINU

I PREDMET JAVNOG POZIVA

Objavljuje se Javni poziv za dodjelu sredstava za sufinansiranje projekata sa pozicije “Subvencije privatnim poduzećima i poduzetnicima za potporu skijalištima i razvoju turizma” Sredstva za ove namjene su predviđena Budžetom Srednjobosanskog kantona za 2022.god u Ministarstvu privrede, u skladu sa Odlukom Vlade Srednjobosanskog kantona o usvajanju programa utroška sredstava sa kriterijima raspodjele sredstava sa pozicije “Subvencije privatnim poduzećima i poduzetnicima za potporu skijalištima i razvoju turizma” broj: 01-11.7-2922/22 od 14.04.2022.god.

II PRAVO UČEŠĆA

(1) Pravo na podnošenje projekata na javni poziv imaju pravna lica koja su registrovana za obavljanje djelatnosti iz oblasti turizma i ugostiteljstva. Sufinancirati će se projekti za izgradnju, unapređenje i modernizaciju skijališta, adaptacija postojećih i izgradnja novih smještajnih kapaciteta.

(2) Korisnici sredstava moraju zadovoljiti slijedeće kriterije:

- a) da imaju sjedište na prostoru Srednjobosanskog kantona i da će se projekat realizirati na području Srednjobosanskog kantona.
- b) da je dostavljena potpuna dokumentacije o registraciji sa ID ili PDV broj, te predloženi program i projekat sa finansijskim planom i potpunom specifikacijom svih ulaganja, izvore financiranja predloženog projekta sa iznosom sredstava očekivanih od Ministarstva privrede.
- c). da su izmirene sve obaveze prema nadležnim organima
- d) da korisnici koji posjeduju skijališta moraju imati koncesioni ugovor na predmetno skijalište.
- e) da korisnici koji su u fazi adaptacije postojećih i izgradnji novih smještajnih kapaciteta moraju imati Rješenje o ispunjavanju minimalno tehničkih uvjeta i uvjeta za kategorizaciju smještajnih kapaciteta (za postojeće smještajne kapacitete koji će vršiti adaptaciju smještajnih kapaciteta).

(3) Pravo na podnošenje projekata nemaju:

- a) privredna društva koja su pod stečajem ili likvidacijom;
- b) privredna društva koji nisu dostavili izvještaj o implementaciji programa i rezultatima ostvarivanja programa po ranije dobivenim poticajnim sredstvima, i kojima od strane Ministarstva privrede nije prihvaćen izvještaj.
- c) privredna društva koji imaju dospjelih a neizmirenih obaveza prema Srednjobosanskom kantonu.
- d) privredna društva koji nisu izmirili obaveze po osnovu javnih prihoda ili nemaju potpisan sporazum o odgodi plaćanja (doprinosu za PIO/MIO i zdravstveno osiguranje i osiguranje od nezaposlenosti zaključno sa 28.02.2022.godine.
- e) privredna društva koji ne plaćaju porezne obaveze ili nemaju potpisan sporazum o odgodi plaćanja zaključno sa 28.02.2022. godine

III KRITERIJI

Pri razmatranju podnesenih projekata iz tačke II. ove odluke vrednovat će se:

- a) Kvalitet projekta: 20 %
- b) Stepen vlastitog finansijskog učešća: 20 %
- c) Broj stalno zaposlenih: 20 %
- d) Povećanje zaposlenosti: 40 %

IV DOKUMENTACIJA

Obavezna dokumentacija:

1. Prijedlog projekta.
 2. Rješenje iz sudskog registra sa svim pojedinačnim priložima.
 3. Uvjerenje o poreznoj registraciji (identifikacijski broj: ID broj).
 4. Uvjerenje o registraciji obveznika poreza na dodanu vrijednost (ukoliko je po Zakonu o porezu na dodanu vrijednost u sistemu).
 5. Uvjerenje nadležnih institucija o redovnom izmirenju obaveza po osnovu javnih prihoda ili potpisan sporazum o odgodi plaćanja (doprinosa za PIO/MIO, zdravstveno osiguranje i osiguranje od nezaposlenosti zaključno sa 28.02.2022. godine) s podacima o broju prijavljenih radnika.
 6. Uvjerenje o izmirenim indirektnim porezima ili potpisan sporazum o odgodi plaćanja za obveznike poreza na dodanu vrijednost zaključno sa 28.02.2022. godine.
 7. Uvjerenje nadležnog suda da subjekt nije pod stečajem ili pred likvidacijom.
 8. Potpisanu i ovjerenu izjavu o nakani namjenskog korištenja sredstava.
 9. Izvod iz registra ugovora o koncesijama (projekti za skijališta)..
 10. Uvjerenje nadležnog ministarstva o redovnom izmirenju obaveza po osnovu naknade za koncesije skijališta.
 11. Rješenje o ispunjavanju minimalnih uslova i uslova za kategoriju za smještajne objekte, izdano od nadležnog organa (adaptacija smještajnih kapaciteta).
 12. Kopiju lične karte odgovorne osobe.
 13. Potvrdu banke o otvorenom transakcijskom računu.
- (2) Dokumentacija mora biti ovjerena od strane nadležnih organa;
- (3) Dokumentacija ne smije biti starija od 3 (slovima: tri) mjeseca računajući od dana objave ovog javnog poziva;
- (4) Potrebna dokumentacija za učešće na javnom pozivu može se preuzeti elektronski na web stranici Vlade Srednjobosanskog kantona www.sbk-ksb.gov.ba

V KOMISIJA

- (1) Ministar Ministarstva privrede Srednjobosanskog kantona imenuje Komisiju koja razmatra i vrednuje prijave i sačinjava prijedlog Odluke o dodjeli sredstava.
- (2) Komisija podnosi izvještaj o radu Ministru Ministarstva privrede sa prijedlogom Odluke o dodjeli sredstava.
- (3) Prijedlog Odluke o dodjeli sredstava Ministar Ministarstva privrede Srednjobosanskog kantona upućuje Vladi Srednjobosanskog kantona koja donosi Odluku o dodjeli sredstava.

VI NAČIN PRIJAVE

Potrebna dokumentacija podnosi se na protokol Vlade Srednjobosanskog kantona ili preporučeno putem pošte na adresu: Ministarstvo privrede Srednjobosanskog kantona, ul. Stanična 43, 72270 Travnik sa naznakom PRIJAVA NA JAVNI POZIV ZA ODABIR KORISNIKA SREDSTAVA SA POZICIJE SUBVENCije PRIVATNIM PREDUZEĆIMA i PODUZETNICIMA ZA POTPORU SKIJALIŠTIMA I RAZVOJU TURIZMA.

VII OSTALE ODREDBE

- (1) Ministarstvo privrede Srednjobosanskog kantona potpisati će Ugovor o implementaciji odobrenih sredstava u kojem će biti preciziran način, dinamika i nadzor nad trošenjem istih.
- (2) Ministarstvo privrede Srednjobosanskog kantona ne snosi troškove učesnicima Javnog poziva i zadržava pravo da Zahtjev prihvati u cijelosti, djelimično ili ga u potpunosti odbije u bilo koje vrijeme prije zaključivanja ugovora. Prispjela dokumentacija neće se vraćati.
- (3) Rok za podnošenje prijava je 20 (slovima: dvadeset) dana od dana objavljivanja Javnog poziva u sredstvima javnog informisanja i web-stranici Vlade Srednjobosanskog kantona www.sbk-ksb.gov.ba.
- (4) Nepotpune, neblagovremene i neuredne prijave neće se uzeti u razmatranje.
- (5) Podnosioci prijava koji ne ispunjavaju uslove javnog poziva mogu uložiti Prigovor u roku od 8 (slovima: osam) dana od dana objave liste na web stranici Vlade Srednjobosanskog kantona.
- (6) Sve dodatne informacije mogu se dobiti svakim radnim danom putem telefona broj: 030/511-217 od 08,00 do 15,00 sati ili putem e-maila: minpriv@sbk-ksb.gov.ba.

Broj: 05-18-129/22
Travnik, 19.04. 2022 .godine

MINISTAR
Nisvet Hrnjić